

OPTIEK
Oranjestad
San Nicolas

Spritzer Fuhrmann

ARUBA ANSE COURANT



Diario



pa Aruba

TRY...
Tropical Cherry
a fine NEW softdrink
from
Tropical Bottling Co.
call: 1773

The Beer That
Made Milwaukee Famous

ANJA 21

DIAMARS 28 JULI 1959

Nr. 3494

"U.S. News and World Report" ta mira caida di gobierno di Fidel Castro

Carta di sub-ministro Americano pa no duna Fulgencio Batista permanencia na Merca

NEW YORK, 27 juli —E revista semanal Mericano "U.S. News and World Report" a pronostica den un editorial cu e Fidel Castro su gobierno lo cai, pa motibu di loke e corant ta yama e desorden economico, cu e reformacion agriculturna a crea.

E tabata observa den e articulo, cu aunka cu Castro evidentemente tin apoyo di pueblo, cu ta admira e como un "heroe revolucionario", su fin ta crea door di "loke e ta haci contra economia di pais".

E articulo ta bisa cu Cuba ta biba di sucu y prijs mundial di sucu a worde reduci te na 2.55 cents mericano pa liber. Esaki ta e prijs di mas abao den e ultimo 18 anjanan aki. Cuba ta depende di sucu pa mayoria parti di su ganashi nacional.

E revista ta bisa tambe, cu agricultura di Cuba ta worde destrui door di reformacion agriculturna, cu e actividadnan constructivo a ser paraliza, cu e inversion di capital estranhero a

stop completamente, y cu e turismo, cu a gasta 62 milion dollar na Cuba na 1957, no ta bishita e isla mas.

E articulo a mustra tambe, cu casi 800.000 hende, un tercio parti di obreronan, no tin trabao y cu door di "huida di capital" e reservanan di divisanan cubano a worde reduci for di 311 milion na 1951 te na 80 milion dollar awor.

E corant a informa den un otro noticia bao dje rubrica yama "amirnan", cu Castro lo bai Merca pronto pa busca credito di gobierno.

Carta di Subministro americano

Departamento di Asuntunan Exterior mericano a publica contenido di un carta awe tardi, cu e subministro di Asuntunan Exterior pa e relacionnan cu Congreso, William McComber, a scribi e delegado democratico di Ohio, Michael Feighan, Feighan a pidi presidente Eisenhower y Ministro Herter sinan pasa den telegraman pa trata di efectua cu gobierno lo

nenga di duna ex-presidente Fulgencio Batista di Cuba un visa pa drenta Merca. Feighan a lamenta e hecho, cu e embahador mericano na Santo Domingo, Joseph Farland, a recomendar pa duna Batista un visa, mescos cu el a haci den caso di ex-presidente Perez Jimenez di Venezuela. McComber ta desmenti den su carta, cu Farland a ocupa un tal actitud den e dos easonan.

McComber ta mustra Feighan, cu e peticion pa un visa di Batista, ta worde studia actualmente, en bista dje ley pa migracion y naturalizacion. McComber a observa tambe, cu embahador Farland a desmenti acentuadamente e articulacion di algun organo di prensa, segun cual Farland a recomendar pa duna Batista un visa. McComber a bisa tambe, cu den e caso di Perez Jimenez State Department a duna un visa ora cu el a presenta e pasaporte diplomatico, cu gobierno venezolano nobo a duna y e peticion di embahada venezolana na Santo Domingo. E subministro a bisa cu Farland no a haci ningun recomendacion den caso di Perez Jimenez.

Ayudo rural y financiero

Mayor Ernesto "Che" Guevara, comandante dje forti militar, la Cabanija, cerca Havana, a duna e grupo revolucionario di Nicaragua, cu a trata di derota gobierno di e pais ey dia 31 di mei y dia prome di juni, ayudo moral y financiero.

Asina ta worde declara den un rapport suplementario, cu conseho dje organizacion di estadonan mericano a ricibi awe mainta for dje 4 miembronan dje comision orientativo, cu a hanta order pa investiga caracter dje conflicto nicaraguense.

Un lista, cu a ser entrega huntu cu e rapport y cu ta duna un descripcion dje armanan cu a ser confisca na arresto dje revolucionarionan na Punta Llorona (Costa Rica), cu tabata a punto di ataca Nicaragua, ta mustra, cu un gran parti dje armanan aki a bini di Cuba, mientras cu otro armanan tabatin marca dominicano of norteamericano.

Carta di Sra. Batista

Un portavoz di Casa Blanca a afirma awe contestando preguntanan, cu Sra. Batista, esposa dje ex-presidente di Cuba, a scribi Sra. Eisenhower.

Discusionnan productivo

GINEBRA, 27 juli — Ora cu el a sali for di residencia di Selwyn Lloyd (Inglaterra) awe tardi, na unda el a come cu su colegaunan occidental, periodistanan a punda e ministro Ruso Gromyko, si nan a haci progreso durante e discusionnan. Gromyko a contesta bisando: "putra Selwyn Lloyd."

E ministro Ingles, kende a acompaña su colega Ruso te na porta, a observa cu gran confianza: "nos a hebe thee durante trabao".

Gromyko a completa e observacion cu e palabranan: "nos tabata tin un discusion productivo".

Despues cu Gromyko a bai, e 3 ministro occidental a keda uni den villa di Lloyd.

Encuentro De Gaulle-Mac Millan

E noticianan di prensa di London, respecto un "posible encuentro" di De Gaulle, MacMillan y Eisenhower na augustus ta worde considera como puramente "rumor" pa circulan autoriza Frances. Nan a observa, cu un tal encuentro probablemente ta worde deseca den algun circulo Ingles, pero cu lo, e no tuma lugar.

Presidente De Gaulle lo tin vacation durante e tempo ey tambe, y e no tin intencion di cambia su plannan.

wer na carta, den cual el a pidi le pa usa su influencia, pa banja un visa pa e ex-presidente drenta Merca.

E portavoz a nenga determinadamente di bisa, si Sra. Eisenhower lo cumpli cu e peticion aki. Circulan autoriza mericano a informa, cu ta sigur cu Sra. Eisenhower lo afirma cu el a ricibi e carta, y cu el lo mende pa State Department, kende mester tuma un decision.

Como 2 siman pasa Batista a pidi embahada mericano na Ciudad Trujillo un visa pa drenta Merca, na unda su esposa ta biba desde algun luna pasa. Oficialmente nan ta studia e peticion ainda, pero a ser informa di boi fuente na Merca, cu e peticion dje ex-presidente ta worde ricibi na Washington cu hopi frialdad.

Casa Matias ta protesta contra e informacion

ORANJESTAD: — Referiendo na un noticia den un semanario local diasabra ultimo pasa tocante liquidacion di e negoshi Casa Matias na Oranjestad, nos a ricibi siguiente declaracionnan di parti dje cas mensiona:

"Casa Matias — un empresa cu trenta anja di existencia na Aruba algun dia pasa a decidi di liquida su negoshi di benta por detal. E benta por mayor dje empresa ta keda manera customber. Motibo di liquidacion dje benta por detal principalmente ta pa pone mas acento na e benta por mayor.

Bao di ningun circunstancia e liquidacion aki tin di haci cu contrabando di arma manera cu "Local" ta afirma. Un control chiki sera polisnan lo a pone e reduccion dje seminario menciona na altura cu Casa Matias no tin nada di haci cu e asunto aki, pero nada en absoluto.

Tampoco nos no por comprende di unda e noticio "aki ta sali, cu e noticia cu e liquidacion a worde influencia pa gobierno. Si reduccion dje seminario aki a tuma un poco molestia di puntra gobierno tocante esaki, anto e noticia aki nunca por a worde publica.

Door dje noticia en cuestion nos bon nomber y fama a worde ofende profundamente y pa tal motibo sin vacila nos lo tuma pasonan necesario pa demanda nos satisfaccion".

ARUBA COMO LUGAR DI EXPERIMENTACION MEDICO

Dokter Mericano a escohe Aruba pa experimentonan y ta duna remedi gratis

ORANJESTAD: — Cu Aruba a worde escohe pa dr. Harold Bernstein di Queens General Hospital di New York como terreno pa su experimentonan den curamentu di keoiden (esaki ta un formacion di carni abnormal) ta di gradel na un contacto cu senior J. M. Bonn di Spritzer & Fuhrmann a forma poco tempo pasa cu dr. Bernstein, kende abata turista abroad na "Santa Rosa" y dokter O. A. Bijl, jefe di departamento di Sanidad na Aruba. Cu Aruba a worde preferi no ta solamente interesante y favorable pa turismo, pero tambe cu hopi hende cu ta sufi dje feridid menciona ey no ta usina hopi plama, pero cu toch tin hasta hende ta sufi di dje cu nan lo worde cura barata.

For di 1955 dr. Bernstein, kende nos tabatin e placer di topa algun dia pasa den oficina di dokter Bijl, ta ocupa su mes cu experimentonan pa cura Keloiden.

Esaki ta un ecrecemento di carni abnormal, cual hopi biaha ta worde ocasiona door di heridanan, manera despues di kimentamento infeccion di carni cu dokter mester a corta. En bes cu e herida ta cerra normal, naturala ta bini esaki mucho bon y ta forma carnanan di mas. Na e lugar ta bini e bulto, y tin biaha ta molestia e patient hopi. Algu ta causa e ecrecemento di carni abnormal aki, y esei ta loke dr. Bernstein a experimenta riba dje pa descubri exacto cu pa combati e molestia aki. E fase di experimentacion mes a pasa hopi tempo, cu el a ser awor e ta basico prueba riba e gran escala cu hendenan. E tratamiento ta masha simpel, durante 10 siman guli algun pil-dora special prepara, y e patient cu ta sintie mihor of cu e carnan a desaparesce hopi y den hopi caso a keda completamente cura. E dolor ta kita, y e carni di e patient ta moli y normal trobe.

Resultado di examen Centrale "Aruba"

ORANJESTAD: — Dia 18 di juli n.p. a banja nan diploma A pa type (30 palabro pa minuut — 150 aanslagen) di Centrale "Aruba", e siguiente candidatonan:

Amelinda Arends, Lucy Bardouille, Greetna van Breet, Joannette Brokken, Juanita de Cuba, Filomena Flngal, Ludwina Haswell, Gregoria Hernandez, Lonisa Kelly, Lilla Maduro, Theresla Man A San, Jaina Petrona, Astrid Oduber, Patricia Petrona, Anna Semeler, Luisa Tromp, Lillian Young, Helena Fortin, Carmen Pedra, Myrna van Helten, Ernest Boyé, Jan Harus, Hubert Hart, Alfred Oduber, Rufe Rodriguez, Ricardo Tromp.

Dia 25 di juli a slaag pa Praktijkdiploma (40 palabro pa minuut — 200 aanslagen) siguiente candidatonan: Lucrecia Faurup, Agnes Geerman, Amelinda Lake, Marla Poutier, Margarita Quijada, Georgiana Richardson, Yvonne Tromp, Louis Carolina, Francisco Celalre, Andrew Daal, Alexander Eduardo, Rudolf Kock, Simon Loefstop, Eloy Scharbaay, Gabriel Ruiz.

Pa tur dos examen nan aki tres candidato mester a worde rechaza. Na tur e candidatonan, specialmente na esnan cu a slaag pa e Praktijk Diploma, nos sincero felicitacion.

Tur e candidatonan aki ta muchanan di Maria College, di Filomena College y di St. Dominicus College.

Min. President a condoler Dr. Luis A. Dubuc

(Di nos corr. na Corsow)

WILLEMSTAD. — Ministro-presidente di Antillas Hulandes a manda un telegram di condolencia pa dr. Luis Augusto Dubuc, ministro di Asuntunan Interior di Venezuela, en conexicon cu e noticia, cu su jiu mader di 12 anja a muri den un accidente tristu.

Embahador di Hulanda na Caracas a ser pidi pa buta un kran na e enterramento, na number di gobierno di Antillas Hulandes.

Uitwasbaar!
QUINK Washable Royal Blue
Uitwasbaar. Quink is de veilge inkt die met wat water en zeep uitgewassen kan worden. Gebruik voor permanent schrift. Permanent Quink! Quink is de enige inkt met Solv-X, die uw pen reinigt terwijl u schrijft.

QUINK INKT IS EEN PRODUKT VAN DE PARKER PEN CO.
PALAIS ROYAL ARUBA N.V.
Oranjestad - San Nicolas

Den zweibroek nan ta keiru



Hedenan di e ciudad chiki Oberstuf-Ensen na Alemania ta masha fortunado, pasobra nan por corre schats den trage di banjo. Esaki ta posibel pasobra e sitio di pasa vacante aki tin un excelente piscina y un bon lugar pa corre schats, y durante e temporada aki, verano, esaki ta un combinacion ideal.

tuma mas pildora asina cu nan no ta sinti dolor mas. Di manera cu e dolor ta bolhe despues di un tempo trobe, pasobra pa un bon efecto e patient mester keda cu e tratamiento pa duracion 10 siman completo.

Esnan cu ta kere cu nan ta sufi dje enfermedad aki, por papia cu nan dokter di cas, kende lo procura cu nan lo nanja oportunidad pa e tratamiento di dr. Bernstein.

Denter di dos of tres luna dr. Bernstein lo bolhe Aruba pa mira con e resultado na Aruba ta.



ORANJESTAD: —
Muchanan cu ta kibra telefon publico

Diadomingo anochi polisnan a detene dos mucha homber di 15 anja, cu a kibra e telefon publico na Balashi. Ta J.M. y A.G. cu awor ta corda mal di nan hechonan. Polisnan ta buscando mas dje tiponan aki cu ta kibra e telefonnan publico.

FATUM — Tel.: 1845
Pa tur bo aseguranan

Nevera boca bao

Dialusa tempran, poco prome cu seis or di mainta tabatin un pleitu chiki na cas di familia H. den Nassaustraat, na unda dos muchan homber tabatin cuestion cu otro. Un di nan den su rabia a bolter e nevera di cas boca bao. Pa su mes bon y pa tranqui-

lidad di otro nan a ponele preso por lo pronto.

Dalmento di auto

Caminda Lagoeweg y Bendorstraat ta cruza diasabra anochi tabatin un choke entre A-612 cual C.A.C. tabata stuur y A-2664 cual H.S. tabata stuur. E danjo ta worde valuta pa f. 850.—. Parse cu C. no a duna preferencia, mientras S. tabata corre mucho duro.

Auto a dal mucha

Riba caminda di Santa Cruz pa Tanki Flip e auto A-191 cu P.C.S. tabata stuur a dal Isais Croes di 8 anja, ora cu esaki di repente a corre cruza eaya sin weita prome cu tabatin auto ta bini. E la worde hiba na San Pedro Hospital pa observacion.

Dalmentu riba caminda grandi

Riba caminda grandi banda di Cura Cabai tabatin otro choke diabierna atardi di siman pasa. E auto A-1670 cu J.C. tabata stuur y A-3491 cu J. A.C. tabata stuur a forma e accidente aki. Di tjo ta f. 750.—. Motibo ta cu J.C. tabata kita pa su robez net ora cu J.A.C. tabata bai pasele.

Ta kiko anto?

Diadomingo polisnan mester a duna asistencia di e habitacionan di e parcela Rooi Hundo 51, na unda M. K. tabata maltrata e dama J.P.

Pelea

Diadomingo anochi tabatin un pelea banda di Philipsburg Bar, na unda J.H. y un tal M. tabata golpa otro. M. a worde hiba warda na unda e por desembriga.

Ladronicia

G.A. a informa polisnan cu nan a horta su trompet cu tabata dora su auto cual tabata parkeer na Palm Beach.

Hanja y perde

G. Griffioen di Jan Steenstraat 13 a perde un portemonnaie color cora contenido un tabla henter di biliechi no. 03931. Den Aruba Caribbean Hotel nan a banja un cartera di plastic di dama. Sr. Kampsteeg a banja un zomerebil riba Lagoeweg.




Jamboree na Filipinas

Esaki ta di diez jamboree mundial cu ta worde organisa. E biaha aki e jamboree ta tuma lugar na Mount Makiling den provincia Laguna na Filipinas, y ta prome biaha cu un jamboree ta worde tal na Asia. — Riba e foto: Padvinderman di e bario Baguio—Baguio di Filipinas den nan unifom di nan distrito durante presentacion di banderanan.

VICTORIA SODAWATER
de uitgelezen mixture voor Uw longdrinks
VICTORIA BOTTLING Co.
phone 5192

JORDAN TA QUEDA CAMPEON MUNDIAL WELTER



Campeon Don Jordan di 25 anja di Los Angeles, despues di a ricibi un tremendo derechazo di Denny Moyer (carson pretu) di 19 anja, den di 12 round di nan pelea di 15-round pa titulo mundial. Sin embargo Jordan a gana e pelea aki.

ONLY THREE DAYS MORE
HILDEGARDE
in the
Aruba Caribbean Hotel-Casino

INTERNATIONAL FAMOUS ENTERTAINER
Appearing nightly up till THURSDAY, July 30th
in the exciting new
KLOMPEN KLUB
where dinner is served from 6.00 p.m.

Dance to the exotic rhythms of
EDUARDO CHAVEZ
and his world famous orchestra from 8.00 p.m.

And from HAVANA...
A FABULOUS DANCING
SHOW PRODUCTION
under the direction of
HAROLD COLE
Starting at 10.30 p.m.

NO COVER
OR
MINIMUM
CHECK CHARGE

E POBERCITA HUERFANA

pa: Tuyuchi

No. 47

CAPITULO IV

E mes anochi ei eha dje combersacion. Micheline tabata bira blaand-chian dje revista di banjo, pero el a queda ta busca cahano, pasobra nungun caminda e no por a banja nomer dje marques de Chataignier y su direccion. E no tabatin di mini-emo den la paquico y revista aqui no tabata menciona su nomber. Quiza por tabata un error, un lubidamento di parti di prensa, cu nan a lubida di pone nomber dje marques frances riba lista di habitantenan di Baden Baden.

E palabranan dje millonario cu nan mester a invita e marques pa bini aya cu nan tabata duna Micheline sosiego. E tabata quita di anhelu di por a mira marques de Chataignier un bia-

PAGINA TRES

Krutshef: "Laga nos hari sino nan ta bisa cu nos ta pleita"

MOSCU: — Ayera prome ministro Krutshef o critica e manera, na cual „cierto periodista“ a interpreta e discusion entre e vice-presidente Nixon di Merca no e exposicion Mericano dia biernes. El a biso cu e manero oki taboto incorrecto.

Cierto periodista a haci manero si nos tabatin guerra y nos ta insulta otro. En berdad nos tabata tin un discusion amistoso, sin rencor, asina e lider ruso a bisa.

Ajera tardi vice-presidente Nixon a nabega riba e Rio Moskwa hunto cu Krutshef, su esposa, e prome vice-proministran Mikoyan y Kozlof y dos fotografo. „Laga nos keda hari, sino nan ta bisa cu nos ta pleita“, asina Krutshef a bisa ora cu e dos fotografo nan — un ruso y un mericano — a cuminsa saca potret.

Radio-Moscu a informa cu Nixon y Krutshef a discuti ayera e discusionnan na Ginebra y e problemnan cu a ser discuti aya, y tambe e relacionnan ruso-americo. Radio-Moscu a bisa cu e discusionnan tabata „cordial y amigable“.

Milton Eisenhower, ruman di presidente Eisenhower, e embahador americano na Moscu, Thompson, tambe a atende e discusionnan di Krutshef cu Nixon.

E rusionan cu tabata presente tabata prome ministro Krutshef, su prome reemplazantenan Mikoyan y Kozlof, sub-ministro di asuntunan exterior Kuznetsov y e presidente di e comite di estado ruso pa desarollo dje relacionnan cultural cu e stranheria, Diukof.

E portavoz pa asuntunan di prensa

„Conoce Bo Fe“ diahuebs anochi

ORANJESTAD. — E transmision mensual di Centro Apostolico Arubiano, „Conoce Bo Fe“, cu por a wordu scucha diasabra up, via Radio Kelkboom, lo bolhe transmiti un programa diahuebs awor anochi. Den e programa aki oyentenan por scucha e pregunta y contesta entre miembronan di Centro y dokter J. R. (Koko) Arends tocante e obhetu „poblacion y limitacion di nacementu“.

Van Speijk ta bai

E gragata Van Speijk cu a presta su servicio como 3 anja largo di Stationschip di Antillanan Neerlandes y cu durante e temporada ei a nabega 60.000 milla, loque ta nifica un distancia di tres bez rond mundo, lo sali pa Holanda Diasabes mainta pa 10'or.

Riba e dia ei lo tin un inspeccion di despedida di 8 pa 8.30 abordo, pa comandant di Marina na Antillanan Neerlandes. Di 8.30 te 10'or lo tin ocasion pa amigo, conocir y famianan tuma despedida abordo, dje mariconan cu ta bai.

E gragata aqui durante su permanencia a banja masha acogida y su tripulantenan a banja masha amistad for nos comunidad y ta p'esei cu duele nos ta mira nan despedi, sin embargo nos ta comprende cu nan tambe lo quier mira nan famianan na Holanda y ta p'esei nos ta desea nan un feliz viaje y bon yegada na cas.

Com ta cu e otro bondnan?

Asina lewe cu nos por a obtene informacion te awor den ramonan di

INVITACION

Henter pueblo di Aruba to worde cordialmente
invito na e apertura di

JOSSI'S SLAGERIJ

KLIJSTRAAT 10

dia prome di Augustus p.v. for di 6.00 or di mainta.

JOSSI ERASMUS

ba mas. Na prome momentonan e no por a duna su mes un idea ta quico tabata e motibo di tanto anhelu di su parti.

Durante e dianan cu tabata sigui e tabatin solamente miedo, cu e Chataignier lo bini na e castillo prome cu el a conte di plannan di Van Bussum. Un sentimiento mas cla a spier- te cu pa un noble frances no tabata un cos coriente cu e ta bai ofreece su mes na negos di cabaijan na Bussumstun.

P'esei Micheline tabata sali masha tanto ultimamente. Parti mainta e tabata pasa bai te na e convento; atardi precies 3'or e tabata riba e terraza, y e no perde ni un pida musica y si tabata posibie tur anochi e tabata meimei dje huespednan di monsieur Benazet.

Pero e no tabata descubri marques de Chataignier denter di nan. E poco dia cu el a bisa Micheline cu e spera pa e bin tende como a para, a bira semannan y ya Micheline a perde speranza cabai. El a pensa cu bamas lo e banja e marques aqui mira mas.

Quiza lo e no tabata na Baden Baden mas. Quiza el a banja un otro cunpado pa su cabaijan di raza. Quen por sa?

Ni entre Van Bussum y Micheline tampoco nan no a combersa mas tocante e cuadro di carrera y menos afinda tocante e marques.

Y di e manera ei poco poco e semannan largo di Augustus tabata acercando y huntu cu esakinan colmo di e temporada.

E euanonan di Bussumstun tur tabata ocupa y ta di comprende cu Micheline tabatin mannan jen di trabao.

Tabata masha dificil pa Micheline pasa mas manera antes sin cu e topa un cantidad di conocirnan cu a bini Baden Baden.

Enter dia tabatin muziek aqui pa diferente orkestanan di Konversatiehaus. E numero di vehiculonan a bira a hura cuer bez mas tanto. Tabata como si fuera ta un invasion y tantissimo stranjeronan aqui a bin haci na e sitio ei. Paris a manda un trupa di damanan di mas elegante, quendenan su galanteria den un frega di wowo ya bo por a ripara cabai. Y ya sabes, nan a bini e luga aqui pa dibiñi, como se llama...

Un compania di opereta di Viena tabata duna presentacion pa huespednan. E hotelnan dje luga aqui tabata haciendo concurrencia pa por a o-

Cumpleanjos feliz

Awe e hobencita Renella Maria Petrochi ta celebra su feliz cumpleanjos y ta ricibi felicitacion di su tata Joseph, mama Cathien, rumanan Lesbia, Philomena, Stefanita y Giovaonetti Petrochi.

E hobencita Amimi Zievinger ta ricibi felicitacion di su mama Theresita, tata Toj, rumanan Ita, Maria, Miguel, Frans, Tojo, Pedro, Jossy, wela, tantanan Mina y Choci, omnan, madrina Helena Zievinger, padrino Miguel Young, tres estimada primanan Shirley Tromp, Astrid Orma y Ivan Tromp, y di tur su amigonan.

Marcelina Tromp ta ricibi felicitacion di su mama Petra, tata Pedro, ruman Benito, Fefe, Daisy, Esmy, Rufina, Emerita, Gloria, Silvia y Melinda.

Awe ta celebra su feliz cumpleanjos Anna Maria Franken y ta ricibi felicitacion di mama, papa, 10 rumanan, wela, sobrinan, dos pepono, juffraw di 4e klas, amigonan di school, especial di su amiga Sonita Castener.

Awe ta recorda su fecha natal senjorita Anna Victoria Kelly y ta ricibi hopi felicitacion di su mama, rumanan, curujanan, sobrinan Edwin, Lidwina, Elvi, Luit juffrouw Francisca y Rosa, especialmente di tur su muchanan di Maria-Goretti Kleuterschool na Noord.

Srita. Norma Gomez ta celebra su 15 anja y ta ricibi felicitacion di su tata, ruman Petra, tatica y omnan, amigonan di 7e klas di Noord, especialmente di su amigaman di Imeldahof, Irene, Rosa Thijsen, Betty, Regina Lilia Tromp.

Awe ta recorda nan fecha natal: Rudolf van der Biezen, Renella Maria Petrochi, Leoncio Croes, Marisella van der Schout, Jonchito Croes, Elsa Croes, Anna Victoria Kelly, Marieta Quandus, Edwina Jansen, Julieta de Cuba, Jose Tromp, Sofia Maria Hareth, Martha Dirksen, Victoria Helder, Igrigir Everon.

La Salle a bolbe
perde contra
Oranjeboom
Heineken's o blanqueo
Chesterfield

(Di Nos Sportreporter)

ORANJESTAD. — E dos partidnan di clase A hunga dia Domingo den Wilhelmstad stadion tabata tin e siguiente resultadonan: Den e promer Oranjeboom a gana La Salle cu score di 6-1. E novena di La Salle ainda no a logra un victoria den e campeonato 1959.

E segundo partido tabata un blanqueo cu Heineken's a duna Chesterfield. Mientras cu e cerveceronan a cruza home un total di tres biaha, nan piteher a logra tene e cigarilleronan sin anotacion.

Amstel a derrota Heineken's 6-1

(Di Nos Sportreporter)

ORANJESTAD. — Na Lago Sport Park Amstel a logra su promer victoria di e torneo AA dia Domingo atardi ora cu nan a derrota Heineken's cu score di 6 pa 1. Pa e cerveceronan di Heineken's esaki ta nan segundo derrota den mes tanto salida, ya cu den e partido inaugural nan a perde contra di Nesbit.

Amstel a cuminsa e torneo bon meskos cu e campeonato 1959, pero mester worde mira ainda si nan lo por continua bon tambe.

vil riba un stul y tabata fih na e cecerrnan den parti di West te ora cu solo a baha den e lamar parti di Riin manera un bulg di candel.

Casi nunca e huespednan cu bai pasa riba cabai tabata hini tempran. En una palabra pa esnan cu tabatin manera di gasta poco placa, e luga aqui tabata su direccion, bo por a banja, piscu, corre cabai, leza, tuma parti na diferente deporte, nabega riba rio etc. etc.

Ademas di esei e salanan tabata dorcu cu meubelman di mas bunita di mas moderno y caro. Su cumin-danan tabata de lo primero, pasobra Van Bussum a larga bini un kokki cu e ta goza masha tanto di por eu-silina bon pa hende gusta su cumin-da.

Micheline tambe a purba su suerte de bez cu cuando cu ruleta y e diosa di suerte tabata na su lado.

Despues dje dinner ricu cu a ser presenta awe riba terraza di Konversatiehaus, huespednan a plama den diferente direccion.

E ta sigui

Pa aviso y tur correspondencia pa „Arubaanse Courant“ dirigibo na: Nassaustraat 85, Oranjestad. Telefon 3116. Direccion y Avisos: Telefon 3116. Redaccion y Suscripcion: Numero suelta di ARUBAANSE COURANT te obtienel na Union Bora, Main Street, San Nicolas.

AGENDA

CINE
Diamars 26 di Juli
DE VEER 8.30 Grc
RIJTO 8.30 22 ams, marea marea
PRINCIPAL 8.00 Pickup alby
AURORA 7.30 El paso stampede
SAVANETA 7.30 Undersea girl

JEUGCENTRALE „LA SALLE“ ARUBA
Dinsdag 28 Juli 1959
Club Noord
5 p.m. Voetbaltraining
7-9 p.m. Club open
7.30 p.m. Gymnastiek
Don Bosco (San Nicolas)
3-10 p.m. Club open Training ping-pong
St. Jozefond Estrella (Santa Cruz)
5 p.m. Voetbaltraining Hoofdklasse en Reserve.

BOTICA DI WARDA
Oranjestad: Botica del Pueblo
San Nicolas: Botica San Lucas

PARTERA DI WARDA:
Zr. E. S. T. Brammiller, tel. 1390.

RADIO VICTORIA
Diamars 26 di Juli
11.30 Apertura
11.45 E. Mundo Femenino
12.00 Melodias di Meridia
12.15 Ultimas Noticias
12.30 World News
12.45 Concert Hall
1.30 Sign Off
1.40 Musica di Banda
1.45 Beethoven Concerto
4.30 Cafe con Musica
4.45 Waltons Favorito
5.00 Academia del Aro
5.15 Palabranan di Bida
5.30 Interludio Musical
6.00 Noticias
6.15 Adiantate Juvenil
6.45 Trosos Musicales
7.00 Noticias Hulandes
7.15 Klusroket
7.45 The Bandstand
8.00 World News
8.15 The Hot Record
8.30 Back to The Bible
8.00 Musical Gems
9.30 Unsharkeid
10.00 News report
10.15 Hymns That Live
10.30 Sign Off

RADIO CARACAS TELEVISION
Canales 2, 7 y 10
Martes 26 de Julio

7.55 Hymn Nacional
7.57 Informacion de las programaciones del dia
8.00 Lo de hoy
8.30 Peliculas de largo metraje
12.00 El Show de las doce
1.15 Su novela Favorita
1.30 El Imperial TV
2.00 Peliculas de largo metraje
4.00 Club femenino
5.00 Casos de mujeres
5.30 La perfecta ama de casa
6.00 El Show de Trece
7.15 La novela Ave
7.30 Su dia si... no diga no...
8.00 El observador Creole
8.15 Su novela Palmolive
8.30 Alfred Hitchcock presenta
9.00 La novela Camax
9.15 La novela L&M
9.30 Documental cinematografico
10.00 For el mundo de la cultura
10.30 Cineprograma
11.30 Hymn Nacional Despedida

FLOORFLEX

FLOOR TILE
FLOOR TILE

from
ARUBA TRADING CO.
ARE BETTER

Deposito — Weststraat

COSTURERA „LA ELEGANCIA“
Oranjestad 7B - Oranjestad
A cabi di ricibi un surtido nobo di
Satin pa Bruid, Taffeta, Luana, Ni-
non, Caracass, Nylon Tulle, y panja
di Katona (prints) den diferente sor-
to. Tambe panja di Katona f 1 —
pa yarda.

„Miss Universo“ 1960 un modelo japonesa

E prome Asiatika cu a gana e titulo di belleza mundial tabata e bina aki e modelo Japonesa di 22 anja di edad, Akiko Kojima cu a renresenta entre e otro belizeznan como „Miss Japan“. E bella Japonesa aki cu tin wowo y cabai preto a ser eifer meimei di protestanan di e mayornan di e perdedoranan — Bolivia y Miss Cuba — pasobra segun nan e concurso tabata arregla di antemano.

Prontamente despues di e eleccion e ganadora a declara cu e lo gusta acepta algun contract den cine pero no pa permanente como artista, como cu su ambicion mayor ta sta un bon esposa. E ganadora ta un famoso modelo di modistaman na Tokio y ta jioe di un Major de e ejercito. E otro belizeznan cu tambe a tuma parti na e concurso aki a felicita Miss Universo pero cu lagrima den nan wowo. Esun di mas sportiel tabata Miss Brasil, kende di di ta masha feliz di ta un di e finalistanan y cu e no tabata kela contra e hueznan, y cu e ta kere cu nan a demostra cu esaki tabata un concurso impari ora cu nan a eligi Miss Japon, e deportista favorita di Miss Universo ta landamento y e wegá di golf. E no su papia ni un palabra na ingles. E Miss Universo nobo cu ta sucesora di Luz Marina Zuluaga di Colombia (Miss Universo 1959) a banja un premio di 11.000 dollar pa haci un trip na Merca y otro paisnan como representante di e dos firmaman di e concurso — Max Factor y e bathing suitman Catalina — tambe e banja un jas di piel precioso, un renechi di diamanta y otro premios mas. Esta nan cu a ocupa e primis, tercer, cuarto y quinto lugar despues di Miss Japon to: Miss Noruega; Jorunn Kristiansen; Miss Merca; Terry Lynn Huntington; Miss Indolatera; Anne Searle y Miss Brasil; Vera Ribeiro, e unico Latino-Americana den e finalistanan.

EL CISCO KID

1. "Kiko a pasa. Lino?"
"Nan a mata e guardianan... y a bai cu Hato." 2. "Bandidos. Tito kier a avisami... pero mi no a haci caso di dje..." 3. "Laga nos sigui nan. Saka Panchito di cushina."



JUAN EL INTREPIDO

1. "Parece manera cu Cequi a laga su pasaporte cu ora e la bula riba e spionnan den e cajehon." 2. "E no por regresa China sin e pasaporte. Mi ta bai hibepele." 3. "Despues cu e la camina un ora largo — 'Esaki ta e senjaldan di e pasaporte... Hum... Cequi ta gasta hopi facha'."



DICK TRACY

1. "Y e dos hombernan den e truck no ta mas cu shini-shi." 2. "E truck tabata carga di un sorto di food bo ta mira." 3. "Metal?" 4. "Bau e monton di santo aki." 5. "Oci, e ta cayente." 6. "Parece manera un pida di plata bon cayente."



RIP KIRBY

1. E foto di Gloria ta destrozada ora e boks cu e barranca bai awa... 2. "Mira, senor." 3. "E la estalla. Ta e tanki di gasolien..."



EL PRECIO DEL TRIUNFO

1. "Mi a pensa cu lo bo a bini promer cu bo bay cas, Peg!"
"Biba e heroe di pata de oso! Esaki ta bishita of adios? Nunca mi no sa si bo ta bay of bini cu e bida cu bo ta hiba. Lalo!"
2. "Mi ta quere cu mi ta bay queda un rato, Peg..."
"Lo nos mira! Pero awor bo mester queda un rato. Orden di Jessica Boswor!"
3. "Sra. Gregg, nunca mi ta duna orden, excepto na algun ocasion! Bo quier tende uno. Lalo?"



EL DIARIO DE UNA VIDA

1. "Enfermera... bo por haci e favor di entrega esaki na Eva Jones?" "Masha bon..."
2. "Yal Senor conde a pidi mi entrega bo..."
3. "No! Not Esaki Pablo no a scirbi IMPOSIBLE!"



PEPITA

1. "Pepita, mi pen no ta den e escritorio manera bo a bishita!"
2. "Quico lo bo duna mi si mi hanje den e escritorio?" "Un abrigo di vision pasobra mi ta sigur cu e no ta ey den!"
3. "Bon... ata e pen aqui... que hubu di mi abrigo?"
4. "Bo ta conforma bo cu medio peso, Pepita?"



Horacio Lafer ministro di asunto exterior di Brazil

RIO DE JANEIRO, 27 juli — E siman aki Horacio Lafer lo tumu over puesto di ministro di asunto exterior di Brazil, di Negro de Lima. Circulan bon informacion di opinion, cu presidente Kubitschek a ofrece De Lima puesto di alcalde di Rio de Janeiro, cuat puesto e tabata tin cu e a bandona pa bira ministro di asunto exterior. De Lima a ser ofrece tambe pa bira embajador di Brazil na Portugal. E puesto ey ta vacante desde cu Alvaro Lins, a wordo yama bek pa ocupa un otro puesto.

Hopi segura
Pa motibu dje gran segura e habitantenan di Rio de Janeiro ta core risco cu nan lo no tin suficiente awa di bebe. E winter, cu mester a cuminsa na fin di luna pasa, no a cuminsa ainda y desde november tin temperatura di 30 grado Celsius. E awa den algun reservoi di Rio ta 30 por ciento menos en normal, pasobra awa no ta cai.

Almirante Peixoto ministro di transport
Almirante Amiral Peixoto a wordo nombra ministro di transport y trafico di Brazil. Observadornan ta di opinion cu e nombrenan aki ta indicacion di un reorganizacion di gabinete, cu lo por dura varios siman. E almirante ta presidente di partido social-democratico.



NOTA DI REDACCION:

Pa facilidad di nos lectoran aki bo ta sigui e version na papiamiento di local a ser publica na hulandes na principio dje luna aki.

Den bo edicion di diarazon 15 di juli 1959 a sali un remitido firma pa un chauffeur di huurauto, riba local mi kier duna mi contesta y muy en especial riba e kolom:

"Sr. Finck di PPA a lansa proposicion den tenida publico di Eilandsraad pa Gobierno insular halsa belasting di number di auto, belasting riba gasolien..."

Ta lamentable di realisa cu e escritor di e articulo sin duda ta trata na duna nos lectoran un idea robes tocante loke mi a bisa den reunion di Eilandsraad di promer di juli 1959.

En berdad mi a haci e sugerencia na Berstuurscollege pa bai over na halsa e belasting riba autonon di carga y tambe pa bisa prijs di gasolin. Mi ta kere cu ta mihor mi splica e asunto aki mas cla. Mi a sugeri lo siguiente na Berstuurscollege.

1. Un ambachtschool practico unda tur hende ta wordu admitti.
Na e ambachtschool cu nos tin na Aruba actualmente ta wordu admitti solamente e candidatonan cu a

caba lager school y ademas a pasa e toelatingsexamen pa e school aki cu exito.

E jovennan cu no a haja lager school, no ta hanja elens nunca pa sinja un ofish. Pa es motibo aki mi a sugeri na Berstuurscollege di Aruba pa traha un ambachtschool practico unda cu tur nos jovennan Arubiano por tin e oportunidad di sinja un ofish. Asina den futuro lo nos no tin mester di manda busca expertonan for di otro caminda. Pero trahamento y mueblamento di e school aki ta costa placa.

2. **Apoyo na viudanan.**
Traha un regla fijo dea cual viudanan ta segura di haja un entrada tur luna for di fondonan di Gobierno. Maske cu Berstuurscollege actual ta haciendo hopi eke pa esnan cu ta financieramente zwak aki na Aruba, toch e regla aki ta haci di falta, pasobra den e regla aki ta wordu positivamente regla pa e viudanan hanja apoyo, mescos cu den e caso di pensioen di bebez. Pero esaki ta costa placa.

3. **Trahamento di casnan di gobierno di tres diferente modelo.**
Actualmente e casnan di Gobierno no ta suficiente. Ademas tin hopi famia no por hanja cas di gobierno pasobra cu nan salario ta mucho abao.

Un otro categoria cu no ta wordu tumu na cuenta ta e mientenan cu no ta casa. Ta pa yuda e famianan aki pa nan por hanja un cas di gobierno huur mi a sugeri pa traha casnan mas chikito y mas barata cu por wordu gehuur pa poco placa.

4. **Les di landa obligatorio pa muchanan di school.**
Segun mi tin mucho hende ta mui hoga aki na Aruba. Unda cu tin un lugar grandi y bier pa bonia na e costa di Aruba ta parcemu masha util pa sinja e muchanan di school landa. Asina lo por wordu evita cu mas hende ta muri hoga riba nos isla. Esaki tambe ta costa placa.

Naturalmente ta masha limita pa pidi tur e cosnan aki, pero tambe mester tin e manera pa cubri tur e gastonan aki. Y en concecion cu esey mi a sugeri lo siguiente:

a. Recauda belasting riba espectacularnan publico, excluyendo sport.
b. Halsa prijs di gasolin un poco.

c. Halsa belasting riba autonon di carga den cual Berstuurscollege lo tene cuenta cu e factor social di e donjo.

Cu esaki mi kier meen pa cu un auto di carga di un firma cu ta core henter dia p'ariba p'abao cu miles di kilo di carga, mester paga mas belasting cu un auto chikito. Ademas e donjonan cu tin un auto di carga, pero nan salario no ta haltu y mester mantene un famia grandi lo no paga e halsamento di belasting aki. E remiente lo ta di acuerdo cu mi cu e cuatro sugerencianan di mi ta altamente necesario na Aruba. Pero tambe e lo ta di acuerdo cu pa cheta tur e planan aki mester tin placa. Y pa yega na placa mester bini eadadanan nobo pa e Gobierno. Y pesey mi a sugeri:

a. Halsamento di prijs di gasolin.

b. Halsamento di belasting pa trucknan di carga.
c. Recaudamento di belasting riba espectacularnan publico.
Mi ta spera cu awor e remiente lo hanja un idea fijo di mi sugerencianan haci den Eilandsraad. Tambe mi ta dispuesto na yuda e senjornan aki di huurauto cu nan problema grandi di sistema di prijs.

ERNEST FINCK
miembro di Eilandsraad

HOROSCOOP

ARIESNAN
Queda prudente den tur cos cu ta trece placa of propiedad pa bo. Trece bo begroting na equilibrio.
TAURUSNAN
Bo por intermedia den conflictonan, interesnan combatiente. Duna prueba di tactico, inteligencia y timidez. Domina bo bjes.
GEMINIANAN
Bo por cosecha ventaja di queda calmo na fondo. Haci trabao necesario y termina asuntoonan priva. No spera hopi ayudo of comprension di otroonan.

CANCERNAN
No larga bo sintimentonan hinka ka bo den situacionnan desagradable di placa y semchantenan. Sea prudente cu amigonan nobo. No papa mucho lihe riba loke bo ta desea of spera.

LEONAN
Tene cuenta prome cu tur cos cu bo mester pensa primeramente na interesnan di bo trabao y responsabilidad. Cu caprichonan lo bo no logra nada awe.

VIRGONAN
Quiza lo bo tin algun conflicto cu hendenan na distancia largo. Bo inicio no ta exacto. Pospone un decision. Bialamento no ta recomendable. Queda fiel na bo conviccion y tene confianza den porvenir.

LIBRANAN
No spera masha di otroonan den sentido financiero. Preferible di confia riba bo mes. Pone masha tino den asuntoonan di debe, recibo y escrupulosidad y reflexion ta ser exigido.

SCORPIONAN
Tene na alto bo relacionnan cu chefman y personanan cu quendenan bo ta anda hopi. Arreglacion di tur problema y cooperacion ta absolutamente exigido awe.


SAGITARIUSNAN
Por ta cu bo no ta sinti bo bon of cu bo ta hanja bo den dificultad cu coleganan of esnan cu ta depende di bo comporta bo digno. Controla bo planan.

CAPRICORNUSNAN
Awe na ta e dia adecuado pa pidi aumento. Circunstancianan ta limita bo libertad. Y tambe e ta pone estorho den bo caminda. No tumu ningun sorto di riesgo awe.

ACUARIUSNAN
Trata na lucha pa haci bo asunto marcha bon den comunidad den cual bo ta participa. Pone acento riba armonia y seguridad. Duna preferencia na asunto di otroonan of personanan mas bieu cu bo.

PISAN
Facilmente bo ta bisa un palabra di mas of bo ta hanja bo den embrollonan of ora cu bo ta descuida bo debeman. Pospone proclamacion di bo opinion y tumamento di decisionnan un poco.

THE KEYS--



ATROBE GINEBRA. — Discusionnan na Ginebra dje cuater grandinan ta trece na recuerdo atrobe ennanan y escenan. E caranan (di robes) ta esnan di Secretario di Estado di Estados Unidos Christian Herter, Minister pa Asuntunan Estranhero di Rusia Andrei Gromyko, Minister Frances pa Asuntunan Exterior Couve de Murville, y e Secretario pa Asuntunan Estranhero di Inglaterra Selwyn Lloyd. E escena ta Berlin, cu e Berlinenan cara cu cara dilanti di otro na e linja di demarcacion entre Occident y Oriente Comunista. E division aqul y separacion di Alemania ta e principal punto di discusion na Ginebra.